

2.9.2010 0:00:00

Povodom današnje posjete Abdullaha GÜla, predsjednika Republike Turske, Bosni i Hercegovini, član Predsjedništva BiH iz Republike Srpske Nebojša Radmanović obavještava javnost o sljedećem:

Predsjednik Republike Turske dolazi danas u zvaničnu uzvratnu posjetu Bosni i Hercegovini. Ovom prilikom, kao što je to slučaj i inače kada su u pitanju posjete šefova država, predviđen je susret sa Predsjedništvom BiH, kao i niz drugih aktivnosti.

Međutim, program posjete predsjednika Turske Abdullaha GÜla Bosni i Hercegovini nije usaglašen na propisan i primjeren način od svih predstavnika BiH, već je samoinicijativno dopunjavan i mijenjan od trenutnog predsjedavajućeg Predsjedništva BiH Harisa Silajdžića. Tako je, između ostalog, svečanu večeru, koju, po ustaljenoj praksi, članovi Predsjedništva organizuju za visoke zvaničnike iz inostranstva, preimenovao u „svetani iftar“, pretvarajući je tako u vjersku manifestaciju. Zbog svega toga, član Predsjedništva BiH iz Republike Srpske Nebojša Radmanović učestvovat će danas samo u zvaničnom dijelu susreta i razgovora članova Predsjedništva BiH sa predsjednikom Turske Abdullahom GÜlom, ali ne i u ostalim predviđenim i pratećim aktivnostima i sadržajima programa posjete.

KABINET ČLANA PREDSJEDNIŠTVA BiH IZ REPUBLIKE SRPSKE